

Publicaziuns officialas dils 22 da matg 2026

Vischnaunca Trun

Cuvrida fina via Darvella – Gassa sut

Sco finiziun dallas lavurs vid la via Darvella – Gassa sut vegn la cuvrida fina baghegiada en. Quei succeda denter ils 18 da matg 2026 ed ils 3 da zercladur 2026. Duront quei temps sto vegnir quintau cun impediments da carrar. Per damondas stat il cau dil menaschi tecnic, Albert Spescha (081 920 20 45), a disposiziun.

Suprastonza communal Trun

Serrada via Val Sura – Uaul Zavràgia

A partir dils 18 da matg entscheivan las lavurs vid la via Val Sura. Las lavurs cuozzan prevedentamein entochen il settember. Duront quei temps ei la via naven dil plaz grond entochen la Zavràgia serrada per il traffic motorisau. Pedunzs e velos san passar il plazzal.

Uffeci forestal Trun

Corporaziun Alp Nadéls Trun, Via d'Alp Nadéls

Approbaziun dil project d'exposiziun

Cun la disposiziun dils 19 da matg 2026 ha il Departament d'economia publica e fatgs socials sebasond sin art. 44 dalla Lescha da megliuraziun dil cantun Grischun (LMG; DG 915.100) approbau il project d'exposiziun menziunau cheu survart, e quei cun cundiziuns e midadas parzialas.

Encunter questa disposiziun sa vegnir fatg recuors tier la Dretgira superiura dil cantun Grischun, Grabenstrasse 30, 7001 Cuera e quei enteifer 30 dis dapi la publicaziun. Il recuors sto vegnir inoltraus en dus exemplars e sto esser suttascrets. El sto cuntener ina pretensiun da dretg, ils fatgs sco era ina motivaziun. La disposiziun contestada sco era eventuals ulteriurs mieds da cumprova ston vegnir aschuntai.

Enteifer il termin da recuors, san ins prender investa dalla disposiziun e dallas actas, s'annunziand ordavon per telefon 081 257 24 32, e quei tier igl Uffeci d'agricultura e da geoinformaziun, Ringstrasse 10, 7001 Cuera.

Uffeci d'agricultura e da geoinformaziun

Pleiv catolica romana Trun

Invit alla radunonza generala, mesjamna, ils 3 da zercladur 2026 allas 20.00 uras en l'aula en casa da scola, Trun.

Tractandas:

- 1 Beinvegni ed elecziun da dus dumbravuschs
- 2 Protocol
- 3 Rapport
 - a) dil president
 - b) digl administratur
- 4 Rendaquen
 - a) rapport dil cassier
 - b) rapport da gestiun
 - c) approbaziun e conclus da scarica
- 5 Rendaquen dallas fundaziuns
 - a) rapport dil plevon
 - b) rapport da gestiun
 - c) approbaziun e conclus da scarica
- 6 Preventiv
- 7 Fixar il pei da taglia
- 8 Rapport dil president dil cussegl pastoral
- 9 Elecziuns
 - a) actuarA
 - b) presidentA dil Cussegl pastoral
 - c) suppleantA al parlament dalla Baselgia catolica dil Grischun
- 10 Orientaziuns
- 11 Varia

Dallas tractandas 2-6 ed 8 san ins prender investa odem las baselgias da Trun, Schlans e Zignau.

Cordialmein envida la suprastonza

Museum Sursilvan Cuort Ligia Grischa

Sonda, ils 23 da matg, 14:15. Guida publica tras l'exposiziun da fotografias cul fotograf Leo Condrau. La guida ei cumprida el prezi d'entrada.

Cordialmein envida il team dil museum